

مکتبہ علمیہ

۱۸ نجی سنہ

۱۵ جمادی اولیٰ ۱۳۱۵

جزء، عدد : ۷۰





بر قارنجه نك روزنامه سندن

۱۰. بمورطه گونشی (۱)

موسم ايلك بهار . چوققلر كونسك شعاعات حرارت بخشاشندن مستفيد اولمق ايجون عمله لرله برابر طيشايريده بولنيور . اقامتگاه يك تنها . بز سردارلر حجرات شتاييده مكين اوله رق مستغرق تفكرات اوليورز . ادبيات جديديه دار مطالعات و تدقيقات عميقه ده بولمق ايجون بوندن مساعد زمان بولنه ماز . « سر » نام مؤلفك « انسانلرك احوال و حياتي » عنواني اثر مشهوريني مطالعه به باشلادم . هر نه قدر قرمى قارنجه لسانى ايله يازلمش ايسه ده بن يك اعلا آكلايه بيلدورم . بر پارچه خيالى ، همده فرضيات ايله طولى . ذاتاً قرمى قارنجه لر اكثريتله خيالپرست اولورلر . چونكه اسرايه مالك بولمقدقلرى جهنمه كنديليريني مدنيتك طبقه بالاسنده قياس ايتمكده درلر . الحاصل جمله قارنجه يز ، همزك آياغك آلتنده ده برزمين وار . ۱۲ بمورطه گونشى .

« سر » انسانلرك صاحب عقل و ذكا اولدقلرينى بيان ايديور ! فسبحان الله ! آنلرده ده دماغ وار ايش ! او حالده عضولمى و يا حساسلرى سينده دگل باشده اولمق لازم گلزمى ايدى ! ۲ بطيطه گونشى .

تدقيقاته دوام ايتدكجه تدريجاً « سر » ك صحت افاده سى كسب قوت ايديور ؛

(۱) صاحب مقاله قارنجه لرك مواسم اجتماع وتولداتيله انبساط ونمو عضولرى والتقاط وادخار ارزاق خصوصنده كى مساعيلرى اعتباريله معيشت سنويه لرني تبعات فنيه نقطه نظرندن فصول ومواسم مخصوصه به تقسيم ايدرك مثلاً انسانلرجه بهار صيف ويا مايس حزين گي مواسم وشهوره بدل بو موسملرى (بمورطه گونشى) (جنين گونشى) (نوزاد گونشى) گي اسملرله توسيم ايتشدر . للطابع

حقیقت حاله انسان ذبح ایدلمان حیوانات عظمیه میاننده برنجی مرتبهی احراز ایدلکده در . شمدی به قدر بن حیواناتك صنف ممتازنی قوشلر تشکیل ایدبور ظن ایلردم . بوظنه سبب یالکز طیورك بزم ایچون اك مخاطره لی اولدقلری دکل بر جوق احوالده ، جالب دقت بر صورتده ، بزه عرض مشابہت ایتدکلریدر . آنلرده هوا دار ، لطیف لانه لر انشا ایدبورلر ، کندیلرینی تبدلات هوا یه به قارشى محافظه ایده جك طبیعی ، تویلی لباسلری وار ، قادلری وار ، همدہ یورطلابورلر . خانه انشاسی مستثنا طوتیلورسه ، انسانلر بو نقطه نظر دن پك زیاده گیروده قالمشلردر . مجتمعا اقامت ایتك ایچون انسانلرده بزم کبی ابنه انشا ایتکده ايسهلرده بونلر اوله بر حکومتی استیعاب ایده بیله جك قدر وسعتی حاز دکلدرلر . هر حالده بویله قبا حیوانات ایچون بوده ترقیات عظیمه دن عد اولنه بیلور . بوندن بشقه انسانلر ك بر درجه به قدر بر برلری ایله تعاطی افکار ایده بیلدکلری قبول اولنه بیلور ، فقط عضولسلرینك تشکلاتی پك قبا اولدینی جهتله شبهه سز تفهیم و تفهیم مرام صورت مکمله ده واقع اوله ماز !

اوله بالذات اجرا ایلدیکم تدقیقاتی شورایه قید ایتك فائده دن خالی دکلدر . بر دفعه جوار اراضیده تنزهه چیقمش ایدم ، هنوز بسبتون بیومامش بر انسان بر الما آغاجنك اوزرنده اتوره رق الما یمکله مشغول ایدی . دیرکن اوتهدن بیوک بر انسان گلهرك عضولسنی هوا یه قالدیردی ، کوچکک آياغدن طوته رق آشاغی به آلدی . صکره ایکسیده عضولسلرینی شدتله بر برینه چاریمقده ایکن کوچکی بردنبره سرعتله صاووشدی . عجبا بر برلرینه نلر سویلیدلر ؟ عجبا بر لسانه مالک بولینورلرمی ؟ یوقسه بو یاپدقلری هپ تقلیددن عبارتیدر ؟ احتمالک کوچک انسان اورادن سریعاً صاووشمه نك فائده لی اولدینی اولجه اوکرنمشدر ! یاخودکه آبا واجداددن ارثاً انتقال ایته بر خاصه ، بر حس میدر ؟ « سر » ك بو سؤالره نه یولده جواب ویره جکته پك زیاده مراق ایتکده ایم . اعضای بشرك تعریفاتی بجنفی مطالعه به بن دها یگی باشلادم .

ه هاله کونشی .

کره ارض اك قبا مخلوقات ایچون بیله نه همتلر ، نه وقتلر صرف ایدبور !

انسانلرده ده اڭ شرفلی ، قیمتی اولان و قارنجهلره عرض مشابهن ایلیان قسم « دماغ » درکه قفسا طاسی دینسلان کیک بر چر چیوه دروننده محفوظ بولنیور ، حالبوکه وجودک اقسام سازه سنده بو چر چیولر ، ستونلر ، عکس جهات داخلیده دره . بوجکلرک وجودی سرایا متین بر ظرف ایله مستور اولدینی جهتله تشکلات عضویه نقطه نظرندن ، انسانه نسبتله . پک عالی بر مرتبه ده بولمقده درلر ! یالکز تشکلات بیه ، تناسب اندام نقطه نظرندن بسط محاکات و تدقیقات ایلیان مؤلفلر قارنجهلریده حقیقه حیوانات صنفه ادخال ایدیورلر . فقط نشو و نما و ترقی خصوصنده اڭ ایلروده بولندقلرینی قید ایدیورلر . فقط بن ابدی اوله رق قارنجه جنسنه منسوبیتله افتخار ایدر ، بویله صاحبلره قولاق ویرم ! بر روایتیه نظر آده قارنجه ایله انسان صولجاندن آزمدر ! بیوک بر هدیان !

۹ هاهه گونشی .

انسانلرک بر شینه یاریوب یارامدقلری ده جای سؤالدر ؟ عجبا خلقت اثناسنده خریطه عالم اوزرنده انسانلرده بر وظیفه تحمیل ایدلیمی ؟ حاله باقیلورسه طیور . مضره نی اتلاف ایتمکله مؤظف بولندقلرینه حکم ایتمک لازم گلیر ! بشقه بر وظیفه نی حاز اولمسلر بیله ، تدقیقات فیه مزه موضوع اولملری حیثیتله ، کره جهانده وجودلرینه بسبتون فضله ، بیلزوم نظریله باقیله ماز . آشکاردرکه آنلرده حسسه مالکدرلر ؛ هرنه قدر بزده اولدینی گبی عالی بر درجه ده فکر اشتراک و اتحاد ، یاوریلری ، بطیطه لری تربیه ایتمک ، بسلمک گبی شیلردن محروم ایسلرده آنلرده موجودیتلرندن متلذذ اولورلر . بالطبع ناقابل اجتناب مناسباته دار فکر مخصوصلری یوقدر . ایشته بوندن طولای درکه مؤلف شهر « سر » ک « دماغ بشر » حقنده کشفیات و تدقیقات اجرایی ایچون بر هیئت فیه اعزام ایتمک لزومی . ناطق اولان فکرینه اشتراک ایدمه یورم . حالبوکه « سر » ک فعالیت فکریه سنه وقوف پیدا ایدمه یلک ایچون ذی حیات بر انسانک قفا طاسنده بر مستمره وجوده گتورمک خصوصنده اصرار ایدیور . بنم فکر محجه بو پک ظالمانه بر معامله درکه ، هیچ بروجهله شان غلیته یاقیشدیر یله مز . زواللی انسان کیم بیلور نه قدر عذاب و اضطراب ایچنده قالیر ! واقعا انسان اولدینی حیثیتله ترقیات اجراسنده آنک الم و اطرابنه اهمیت ویر یله مز

حتى بو خاطر اتمی نوطه طرزنده اسیرمك باشنه تماس صورتيله قید ایتمكدە
ایكن عضولسنى بگا تماس ایله اوده بزم گبی متأثر، متلذذ اوله بیلدیگنی افهام ایدیلور.
حقیقت حالده بو برهامه دركه بزه آنلردن دهها زیاده یقین بولنیور؛ بونكله برابر
انسانده ذی حیات اولدیغنی ایچون هر حالده آگا مرحمت بزم ایچون فرضدر !
کیم بیلور دماغ انسانینك هواسی بزه مساعد اوله جقمی ؟ همجنسمزى بهوده
یره مخاطره یه القا ایتاملیدر ؛ قرمزى قارنجه لر وارسونلر سیاسیات سرسریانه لرینی
کندى کندیلرینه اجرا ایتسونلر !

۸ مساعی گونشی .

اسرایه منافسات . شکر اینگنی فنا فنا صاعمشلر . ۱۸ و ۲۴ نومرولى
اسیرلر بش مثقال عصاره یی یالکیز باشلرینه یوظمشلر ؛ صورت شدیدده تضیق
ایدیلر ! بوکبی حاللر او قدر جان صقیورکه ، بعضاً عقلسز بر انسان اولمق آرزوسنه
دوشمرك، بوگون بولنانی یمك، یارینه الله کریم دیمك بیله واردخاطر اولیور ! بویله
بر آدم قید وانیشهدن نه آکلار ؟ « سر » یورطه لری ، بطیطه لری ، یاوریلری
یوقکه حیوانات اهلیه واسرایه احتیاجلری اولسون دییورسده ، بن بوگا پك ایمان
ایده میورم . فقط بونلره نه ایچون محتاج اوله بیلورلر ؟ هر نه قدر پك عادى اصول
اولقله برابر انسانلر کندى چوجقلرینی عضولسلری ایله تربیه ایتسهر ایدی
او حالده هرکس کندى اولادینی تربیه وتعلیم ایلردی . چونکه (اطفال حکومت)
نامی آنلرک مجهولیدر . نصل بر درکه منزلت ومدنیت !

۱۵ مساعی گونشی .

فوق العاده متعجب ومتحیر اولدم ! فکر فعالمز نه بیوک کشفیاته موفق اولمش !
انسانلر حقیقه بربرلری ایله مکلمه ، مداوله افکار ایدیه بیلورلر . معنای حقیقیسی
اعتباری ایله بر « لسانه » مالک دگللر ، بوندن بشقه پك بطی تموجات ایله حصول
پذیر اولدیغندن ، بزم پك دقیق اولان عضومن آتی ضبط واحاطه ایدیه میور .
اساساً مضمونلری پك قبا اولسه گرک . مثلاً « سر » ك افاداتنه نظر آ انسان کیجه
وقتی قطعاً کورمز واطر افنده کی اشیایی یکدیگردن فرق ایلدیهز ایش . کیجه وقتی

خانه لرینه عودت ایدن انسانلر اکثریتله کندی او طه قبولرینی بوله ماز ویا قبولی بولسه لر بیلله اناختار دلیکنی کوره مزملر ایش !
۱ جنین گونئی .

احوال بشر تدقیقاتی ایچون حقیقه بر هیئت سفریه تشکیل ایدیلور ، فقط دماغ انسانه سوق ایتمک فکرندن واز یکیلدی . شمعی انساجیهی [انسان دینای] کشف وتعلم ایله اشتغال ایدیله چک ، بروجه آتی پک زیاده شایان حیرت اولان بر اصول رؤیت ایدلمش . بر انسان دیگرینه بعض تبلیغاتده بولنه حق ایسه او حالده فکر و مرامنی بزم کبی عضولسی تموجاتی وساطتیه بر اسیرک اعضای ذی حیاتی اوزرینه [شیمی ضرافیک !] اوله رق نقل ایتور ، او فکرینی بر مایع ایله بیاض ماده دن یاییش یاراغه مشابه بر شی اوزرینه آز چوق منتظمجه اشارتله تحویل ایدیلور . دیگری ایسه بو اشارتلی کوزینک اوکته طوتیور و بزجه مجهول اولان بر اصول ایله اولکی آدمک افکارینی ادراک ایده بیلور . هر حالده بو واسطه - تفهیم مکمل اولماملی که ، بو عملیاتدن صکره انسانلر اکثریتله باشلرینی صاللابورلر ، بو ایسه فبالغه بر اشارت دگلمی ؟ « سر » بو مایعه « مرکب » دیور و انسانلر آره سنده پک زیاده قیمتدار اوله رق آروجه « حقه » دینلان بر قاب ایچنه قونلدیغنی افاده ایلور . اک بیوک حقهیه مالک اولان نسبه دیگدرلرندن ده اعتبارلی اولور ، حتی سائرلرینی توحیش بیلله ایدیلور مش ! ظنمده خطا ایتمزسم او مایعه ده طبق بزم حامض کبی بر خاصه تخریبیه مالک اوله رق اشای مجادله ده خصمک یوزینه فیشقیردیله جقدر . عجبا اوده زهر کبی مؤثر می ؟

[مابعدی وار]

محمد رشدی

